

明邱瓊山先生著

大學衍義補


御製重刊大學衍義

補叙

上

朕惟帝王之學有

體有用自仲尼作



大學一經。曾子分

釋其義。以爲十傳。

其綱明德新民止

至善。其目格致誠

正修齊治平。闡堯

舜禹湯文武之正

傳立萬世帝王天

德王道之標準。宋

儒真德秀因爲大

學衍義。掇取經傳

子史之言以實之。

顧所衍者止於格

致誠正修齊而治

平猶闕逮我

孝宗敬皇帝時大學

士丘濬乃繼續引

伸廣取未備爲大
學衍義補揭治國
平天下新民之要
以收明薌之功采

古今嘉言善行之

遺以發經傳之指

而後體用具備成

真氏之完書爲孔

曾之羽翼。有功於

大學不淺。是以

孝廟嘉其考據精詳。

論述該博。有補政

治特命刊而播之

朕踐祚以來稽古

聖正學經史諸書博

涉殆徧因念真氏

衍義我

聖祖大書于廡壁累

朝

列聖寘之經筵

肅宗聽講之餘賦翊

學詩以紀之朕爰

命儒臣日以進講

更數寒暑至于終

篇然欲因體究用

而此書尤補衍義

之闕朕將細繹玩

味見諸施行上邈

祖宗聖學之淵源。且

欲俾天下家喻戶

曉。用臻治平。昭示

朕明德新民圖治

之意爰命重梓以
廣其傳而爲之叙
如此云

萬曆三十三年十二

月二十一日

大學衍義補序

臣惟大學一書。儒者全體大用

之學也。原於一人之心。該夫萬

事之理。而關係乎億兆人民之

生。其本在乎身也。其則在乎家

也。其功用極於天下之大也。聖